

Ukushininkisha Ukwapalwa

I Yohane 5:13, “Nembele ifi fintu kuli imwe mwe batetekela ishina lya Mwana wakwa Lesa; nati mwishibe ukuti muli no mweo uwa muyayaya, kabili ukutila mwi ngatetekela mwishina lya Mwana wakwa Lesa.”

Icishininkisho ica Mupashi wa Mushilo ni lilya ilyo mwinga pokelela Icebo; te mibombele imo, lelo ukukwata ukwiluka ukwapwililika. Musangonshi mwishiba Icebo cili icapwililika, kwiluka Cena? Moneni Cena ukuishininkisha Icine. “Cisuma, mwatila, “Ndemoni uyu alecita cena, na cilya.” Owe, ee, ifyani filekala umusango umo wine. **Lelo cilingile ukuba Icebo conse. Ukuba Nabwina, imwe mulingile ukuba icilundwa ca wene. Ena e Cebo.** Mwamona? Kabili cilundwa cisa ica Wene? **Icebo ico icalaiwa kuli buno bushiku ilyo Ena aleita Nabwina Wakwe.** Ukuba icilundwa ca cilya. Muleumfwa ici? Nomba, mwilufya cilya nombu. [1]

Bushe kuliko umo muno uyo uushapokelela ulubatisho lwa Mupashi, nombu? Nomba mwatila, “Munyina Branham, ndekwebu, nalibilikishe inshita imo “cilya cisuma nganshi. “Nalilandila mu ndimi umuku umo.” Cilya cisuma nganshi, naco. Lelo nalyo line teco ndelandapo. Musangonshi mwinga bilikisha no kulandila mu ndimi no kukana Icebo? **Icishininkisho ca Mupashi wa mushilo caba ukucetekela Icebo cakwe. Lyonse efyo caba munshita ili yonse nga kuti mwapokelela Icebo.** Balya bashimapepo bali cimfishe Yesu intamfu ba million ilyo caisa ku fisabo fya Mupashi: abatekanya, kabili aba mutende, kabili abafuka, abapetama. Ena alyona wile inkuta, alibapantile; no kutamfisha abantu panse, no kubeta bena “insoka mu cani” ne fintu fyonse (*Mateo 21:12-13; Mateo 23:29-34*). Mwamona? Lelo Ena ali cilya Cebo. Ena ali cilya Cebo. **Cilya e co: cetekeleni Lesa. Lesa e Cebo.** Cetekeleni Cena. [2]

Nga muli ulubuto ulwacine, muli no kumfwa cilye Cebo (*Yohane 8:47*); **Umupashi uli no ku mubatisha imwe mu mubili wakwa Kristu (1 Abena Korinti 12:13), ukumisusha no kumipela amaka, kabili muli no kupokelela Icebo ica bushiku bwenu ne nshita. Mwamona efyo cili icapwililika icishininkisho ica cine cisa mukuba ilyo Icebo casokololwa kuli imwe? Nakabili, moneni, Yesu ali Uwa bufyashi uwa Bufumu. Ena aikele mu mubili wa buntu. Ilyo Umupashi wa mwitile Wene (Icebo-Itontonkanyo**

ukulangishiwa), Ena aile ku Yordani kabili kulya alibatishiwe mu menshi (*Yohane 1:29-34*). **Pa kunakila Icebo, Mupashi wa Mushilo waishile pali Wene** kabili ishiwi lyatile, “Uyu e Mwana Wandu uwatemwikwa, Mumfweni.” Ishiwi talya sosele, “Uyu naba Umwana Wandu,” Yesu ali Umwana. Mupashi wa Mushilo wa mubikile Wene nga ulya Mwana kuntanshi ya bonse. Lyena pakuba uwaisushiwa ifyo (kabili imitantikile imo ine yalangishiwe pa Pentecost kabili nabakakonkapo), **Ena aile mu maka ayalangishiwa, ukupokelela ubusokololo bonse ubwa kwa Lesa kabili ukufuma kuli Lesa, kuli bulya bushiku.**

Nomba ifwe lyonse tulasosa ukutula icishininkisho ica cine ica kubatishiwa na Mupashi wa Mushilo **caba kuwa cetekela ukupokelela Icebo kunshita iyo aleikalamo.** [3]

Icishininkisho ca Mwinakristu uwa cetekela uwaisushiwa na Mupashi **tacaba ukuleta icine (Icebo), lelo ukupokelela icine (Icebo), kabili ukucetekela no kunakila cena** (*Imilimo Ya Batumwa 5:32*). [4]

Cabela apo Icebo Cakwe cili. Mose alikwete Icebo Cakwe, Farao alikwete imifwi. Mose alikwete Icebo.

Cilya fye ceka eco alekabila, cali Cebo. Cilya fye ceka mulekabila ilelo. Tacaba kalata ukufuma ku lukuta lumu. Imwe tamufwaikwa icilonganino ica ku mutungilila. **Imwe mulekabila Icebo, ukuba mu Kusendwa na Cena.** Imwe tamulekabila kalata umo. Imwe tamulekabila ilyashi ilyakale limo ilitali ilya ku sukulu kumo, ku kundapwa. **Imwe mulekabila ukusumina Icebo, cilya e cicita cena!**

Imwe tamufwaikwa ishiwi lyakwa doctor. Nga doctor asosa ukutula ena nacita fyonse ifyo engacita, epela fye eflyo ena enga cita. Nga ena asosa imwe namukwata impwalonda, cimumena, imwe mwatendeka ukupofula, imwe muli bankoma matwi, cibulu, conse ifyo cili, cilya tacili na mulandu. **Nga imwe kuti mwasenda cilya Cebo kuli bulya ubulayo ubulebilima ubwacimpusa bulya, Amenii, icintu cimo cili no kucitika!** Lesa ali no kushininkisha Icebo Cakwe ukuba ifyo, cila nshita ilyo Cena capokelelwa pa mushili uwalungama. **Cilya eco mulefwaikwa, Cebo Cakwe. Ena alashininkisha Cena Ena alasunga Cena. Imwe kuti mwaba abashininkisha ukutula Cena na cilungama.** [5]

Nalile ku nkuta shimo, ubushiku bwakubalilapo muli kulya, bena bali no kwisa kuli imwe, “Ilunde ku lukuta lwesu. Nga iwe taulecita, iwe tauli uwasengelwa.” Mwamona? **Cena cintu, icakupatikisha, cena cilapatikishiwa pali imwe, mwamona, kabili ilya ni Babyroni. Lelo muli Kristu, mulesamo kukusalwa; te kupatikishiwa, umutima wenu ulamutintilamo.** [6]

Paulo, ukulanda palya, atile, “Ifwe fwebali munshita shakale,” inshita imo, inshita shimo te nomba, “ifwe twali abafwa, kabili mu lubembu na mumampulu; abo Lesa aleta ku mweo, ukulengwa aba mweo.” (*Abena Efese 2:1-7*). Nomba, mwamona, ilyo icintu icili conse tacilaletwa ku mweo, **kulingile kwabako icintu cimo kulya, ukuletwako ku mweo.** Cilya cishinka.

Ico, mulemona, **nga imwe mwali mukwishibila kabela kwakwa Lesa** (*Abena Roma 8:28-30*), **lyena imwe mulesa mukuba icilundwa cakwa Lesa.** Kabili inshila fye yeka mwingaba umwana mwaume wakwa Lesa atemwa umwana mwanakashi wakwa Lesa, imwe mwalingile ukuba icilundwa icakwa Lesa, **kabili Lesa tali uwapwililika ukwabula imwe** (*Mateo 13:37-39; Luka 8:11*). Cilingile caba. Cilya cishinka, pantu kwaba fye Imo, intulo fye imo iya Mweo wa Muyayaya, kabili ulya ni Lesa (*Amalumbo 36:9*), **kabili Wene eka alikwata Umweo uwa Muyayaya.** Mwamona? Nomba, kabili **imwe mwali icilundwa ca Wene, mu bwingi bwakutula imwe mwali imibele, atemwa mu matontonkanyo Yakwe mu kutendeka. Kabili cilya, pantu Ena atontonkenye pali imwe mukutendeka, cilapela kulya ukutinta uku nono kuli Wene. Cilya e cilingile ukuletwako ku Mweo.** Bamo muli bena tabakatale ukuletwako ku mweo; bena taba cikwata fye, epela fye.

Kwati fye nga mwabika uluseke lwa ngano mu mushili... te mulandu ifyo lwali ulwa yemba, nga talwakwete umusonga wa bumi muli lwena, lwena tekuti lutale ukuletwako ku mweo. **Lelo umusonga wa bumi ulingile ukuba mulya intashi.** [7]

Ilyo muletontonkanya pali cena nomba, pepeni fye, soseni fye, **cili mu mutima wenu mwebene. Mwamona, nga muleumfwa icintu cimo ukutinta, ukutekunya pa mutima wenu, cilya eflyo cili. Cilya ni ilya imibele ukweshu ukuilangisha iine.** [1]

Temulandu ifyo mwaikala mu lubembu, ico mwacita, cilya tacakwata icakucitapo na cena. Imwe biken i ishibili (*Ukufuma 12:13*). Cena cenu. Nga muleumfwa mu mutima wenu kuliko icintu cimo ukutinta, cena cenu. Imwe biken i ishibili. [8]

Kabili uwacine, Umwinakristu uwa cishinka **ali no kuba pamo na ulya umuntu wa mukati, ulya Umupashi uwali kunuma kulya pa kutendeka, ico icaba Icebo.** Nge fyo Ena ali umwisulo wa imwe bonse (*Abena Kolose 2:9-15*), **imwe mwali muli Wene kunuma kulya pa Kalbale** (*Abena Roma 6:6*).

Ena alimwishibile kabela imwe mukaba pano. Ena alebilisha fye ico icikesa citika. **Kabili imwe mwali muli Wene; imwe mwafwile pamo na**

Wene. Imwe mwalifwile ku mataki yenu, imwe mwalifwile ku mafashoni yenu, imwe mwafwile kwisonde. **Imwe mwafwile pamo na Wene mu Kalbale,** kabili mwalibukile pamo Nankwe ilyo Ena abukile pa bushiku bwalenga butatu. **Kabili pantu imwe na musumina cena, nomba namwikala mu ncende sha mu Myulu muli Kristu Yesu** (*Abena Efese 2:4-7*). Aleluya!

Mwacimona ico. **Ni ulya umuntu wa mukati. Ulya uwa mukati uyo uuli no kusuminisha Icebo,** ukwikala ne Cebo, te mulandu. Imwe teti mukanye cena. Nalisambilile cilya, imyaka yakale iyapitapo. [9]

Nomba, nga mulefwaya icishininkisho ica Mupashi wa Mushilo, cilya cili palya. **Ilyo ulya umweo wenu uli no kusuminishanya ne Cebo cakwa Lesa, umusango uli onse, cilelangisha imwe namufumya ubumi bwenu ukupitila mu Cakusushilako ca muntu utontonkanya, Icakusushilako cakwa Lesa.**

Kabili lyena cilya cilelangisha ukutila muli imwe mwali lulya ulubuto ulwalingilwa libela mukati muli imwe, ico icilenga imwe ukukwatila insala Lesa (*Mateo 5:6*). “Bonse abo Tata Ampela, **apela Ine ku kulubula;** bena bafwile pamo na Ine pa Kalbale; bena babukile pamo na Ine mukubuka; **bonse abo Ena apela kuli Ine, bali no kwisa kuli Ine** (*Yohane 6:37-39*). **Bena bakabikwa mu Mubili** (*1 Abena Korinti 12:12 -14*), ulukasa, ukuboko, umona, akanwa, conse ifyo cili; bena bakabikwa Mulya. **Kabili bena bali no kwisa kuli Ine mu nshita shabo.”** [10]

Kasebanya ali no kuma pali imwe, kabili ena ali no kusosa ifintu fyonse kuli imwe, no kumupelesha umulandu, no kwesha ukumulenga imwe ukutontonkanya ukutila tamuli. **Lelo mwilaumfwila kuli wene.**

Nomba, imwe namwishiba mwalifuma mumfwa ukwingila mu Mweo (*Yohane 5:24; 1 Yohane 3:14*). **Imwe mwalishiba ifintu ifyo mwatemenwe inshita imo, imwe tamwafitemwa nakabili. Imwe mwalishiba ukutila imwe mwalicetekela Icebo conse icakwa Lesa.** Mwalimona Lesa ukubomba mukati kesu. [11]

Abacetekela aba ino nshita balingile ukucetekela Ici, **ifyo Ena alaile ilelo. Umusango umo wine ngefyo bena baishile mu cibwato, ku kupusushiwa** (*1 Petro 3:20-22*), ukufuma mu Eguptii mu kupusushiwa; **beni balingile ukwisa muli Kristu, ukupusushiwa nomba, mu Mbila ya Cebo, ukutila Ena aba cimo cine mailo, ilelo, no Muyayaya.**

Musangonshi mwingila muli Wene? Ku lubatisho! Lwa cinshi, amenshi? **Ku Mupashi wa Mushilo! “Umupashi Umo, ifwe bonse twalibatishiwa muli uyu Umubili umo.”** (*1 Abena Korinti 12:13; Abena Efese 4:4-6*). [12]

Ena acitile muli ilya nshita nge fyo Ena acitile mu nshita shonse, kabili ngefyo Ena akacita, kabili ngefyo Ena alaile ukucita. Lesa nga alaya icintu icili conse, lyena Ena alekila no kushininkisha Icebo Cakwe ukuba icalungama. **Bonse abo abacetekela, bonse abo abacetekela Imbila ya nshita ilya, balingilemo kabili bali pusushiwe.** Efyo cikaba na munshita ili yonse. Bonse abashacetekele Imbila ne nkombe, balyonaike.

Kabili bonse abo abacetekela mucine Icebo cakwa Lesa ilelo, bakafumishiwapo. Bonse abashitetekela Icebo cakwa Lesa, bakonaika pamo ne sonde, pantu bena ba mwisonde, kabili ne fintu fyonse ifyo ifili mwi sonde filingile ukonaika ne sonde (*Marko 16:16*). **Kabili ifintu fyonse ifyo ifyapusushiwa muli Lesa, filingile ukuba muli Lesa,** kabili teti fyonaike, “Nkabapela Umweo uwa Muyayaya, no kubabusha pa bushiku bwakulekelesha.” Nomba, ifyo caba ica kusansamusha ku wacetekela onse, ukwishiba, **ilyo muli muli Kristu,** cilya cili fye icashininkishiwa nge fyo Lesa asunga Icebo Cakwe no konaula isonde, **Ena alasunga icebo Cakwe kabili alemya abantu Bakwe no kubapususha.** Ena alashininkisha cena.

[5]

Nomba, takuli icishininkisho cimo icaibela. Mwamona? Mwatila, “Munyina Branham,” ndeumfwa cena mumano yenu, mulemona, “musangonshi nkeshibilamo?”

Lolekesheni, ifyo imwe mwali, kabili ifyo imwe muli? Ulya e musango mwishibilamo. Mwamona? **Imwe mwali cinshi ilyo ici Icishibilo tacilabikwa? (*Ukufuma 12:13*).** Imwe muli cinshi panuma ilyo Cena cabikwa? Fyali ni finshi ifyakukabila fyenu akale, kabili ni finshi ifyakukabila fyenu panuma? Lyena muleshiba nga cakutula icishibilo nga calibikwa atemwa iyo. **Kabili ifi fintu fimbi filacitika fye pamo na cilya.**

Israele ukufuma, nge cishibilo nge fyo cili ilelo. Moneni ifyo Israele bakwete mu kufuma kwabo.

Icintu cakubalilapo bakwete, cali ukwishiba bwino bwino ukutula ora yalipaleme, **cali kasesema ne mbila.** Mose alishile ne mbila. **Icebo cakwa Lesa cali na Mose (*Ukufuma 19:20*).**

Icintu icakonkelepo, **Mose** alingile ukwishibikwa. Kabili **ena aishibikwe ne Ntumba ya Mulilo.** Cilya caishibishe umulimo wakwe ukutula Lesa alimutumine wene. Kabili mose alikwete Icebo cakwa Lesa, nangula ukulenga ifintu no kufileta pe sonde (*Ukufuma 34:27-35*).

Kabili icishibilo ico Lesa abapele bena, ku Mulopa, cali icishininkisho, ukutula bena bali no kubacilila mu nshita yamfwa (*Ukufuma 12*).

Icintu cimo cine na cicitika ilelo, icintu cimo cine. Icebo cakwa Lesa naciletwa kuli ifwe; **ntumba ya Mulilo ili pakati kesu**, ukwishibisha Yesu Kristu alibukile kubafwa, “cimo cine mailo, ilelo, no muyayaya” **kabili icishininkisho ica lubatisho lwa Mupashi wa Mushilo pa mitima yesu, ukubika ukutemwa kwesu kuli Lesa** (*Abena Roma 5:3-5*). Ukufuma epo kuli nakabili.

Takuli ciwa, takuli amalwele, takuli imfwa, takuli ubulanda, takuli nangu cimbi icashala, icingamucusha ilyo lyonse mwaikatilila cilya Icishibilo pali cena. Amenii. Icitetekelo cenu icishipilibuka cilasunkanya cilya, kabili cilapanga icipasho cakwa Kristu, **icipasho ico muleendamo ilelo.**

“*Kabili ilyo nkamona icishibilo, nkamucilila.*” Cena cishibilo, **cena cishibilo ukutila umutengo walilipilwa.** Yesu alipile umutengo, kabili mwali pokelele cena ukufuma kuli Wene. **Ukwikatilila Icishibilo mukuboko kwenu, imwe namukwata icishininkisho icakubuka. Imwe namukwata icishininkisho ukutila ifintu fyonse ifyo mulekabilapo, muli buno ubulendo, fyalipelwa muli cilya icishibilo icakucula kwakwe pa Kalbale, apo Ena akumanishe umutengo uwacitipu conse icingabikwa pali imwe. Cilya icishibilo cilanda umutende. Amenii.**

Takuli ciwa nangu umo uwingeminina kuntanshi ya Cena. Takuli nangu cimo icingeminina kuntashi ya Cena, pantu Lesa nasumina Cena. Kabili imwe namukwata icishibilo mukuboko kwenu, ukutila umutengo naulipilwa. **Owe, cena Cishibilo icituntulu.** ^[14]

Nkashi atile kuli Kasesema wakwa Lesa: “Ndapanga ifilubo ifingi nganshi, kabili ndafilwa inshita ishing nganshi.”

Ena ali mwaswike: Ulya e mulandu wine Kristu aishile fwila, pakutila imwe, ne filubo fyenu, tekuti fibikwe pali imwe. Mwamona? **Ena asendele ifilubo fyenu. Ukukabila kwenu mu mutima wenu kwaba ukubombela Wene.** [Nkashi atile: “Ee”] Cisuma. **Cilya eco Ena afwililepo, pakutila mwinga mubombela Wene. Mwamona? Ifilubo fyenu tafilolekeshiwapo, tafi bikwa pali imwe** (*Abena Kolose 2:13-15*). Mwamona? **Ena e cikonsolwelo cenu. Mwamona? Ena e cakuninika cenu ica lubembu.** Imembu shenu tashaishibikwa. **Imwe tamuli mu bembu, kuli Lesa** (*Amalumbo 32:1-2*). Kristu asendele imembu shenu kabili aishileba imwe. **Pantu, ukukabila kwenu kwaba ukubombela Wene** (*Abahebere 10:1-2*).

[Nkashi atile, “Lelo nshatala kwatapo ukwishiba ukutila naliisushiwa na Mupashi wa Mushilo, icakutila kuti nabikapo ulukasa lwandi.”]

Cisuma. Moneni ici. Nga lyonse, **umuntunse afyalilwa mu lubembu, apangwa mu mampulu, aisa pe sonde, ukubepa ubufi. Cilya e cifyalilwa**

ca muntunse. Cilya cali cifyalilwa cenu (*Abena Roma 3:9-26*). **Caishile pilibulwa limo. Lelo ni cinshi ica pilibwile cena?** [**“Kristu.”**] Wacimona ico, nkashi. Mwamona? Cilya e co. ^[15]

Umwana wa mpaanga ali kunuma kulya mukubomba umulimo Wakwe uwakupapatila, pantu Ena alesumya umulopa pa mulandu wa bantu, **ukupapatila abantu mpaka umweo uwakulekelesha uyo uwabikilwe pe Buku ilya Mweo ilya mwana wa Mpanga ilyo umufula we sonde taulalengwa** (*Ukusokolola 5; Ukusokolola 13:8*). Kukaba fye abengi nganshi muli bena kulya, kabili cilya eco. Epela fye. **Bambi teti ba fwaye no kwingilamo; tabakwata ukukabila ukwingilamo.** ^[16]

Cisuma, bushe kuti mwaengelanya nacifyashi ukukwata akanya ukwabula ena ukwishiba cena? Ena alingile ukufwa umutombo ukukana ishiba cena. **Nangula imwe kuti mwapokelela Mupashi wa Mushilo ukwabula ukwishiba cena. Kuliko icintu cimo icicitika muli imwe. Mwamona? Kuliko icintu cimo ico icimupilibula imwe.** Imibombe yenu yonse, imibombe yenu yonse iya bumupashi ilalengwa iipya, kabili imwe mulaba icibumbwa cipya muli Kristu, ngefyo Baibele yabika cena, icilengwa cipya muli Kristu (*11 Abena Korinti 5:17; Abena Galatia 6:15*). **Muleshiba cena.** ^[17]

Umwakumona:

- [1] “Umushi wa Kuntanshi” (64-0802), par. 195-197,504
- [2] “Mutila Uyu Nani” (64-1227), par. 218
- [3] “Inshita Ya Lukuta Lwa Sumuna”, CAB pg. 157
- [4] “Inshita Ya Lukuta Lwa Pegamo”, CAB Pg.165
- [5] “Ukushininkisha Icebo Cakwe” (64-0816), par. 105-107, 94-95
- [6] “Incende Iyapelwa na Lesa Iya Kupepelamo” (65-1128M), par. 205
- [7] “No kwiluka Kobe Wishintililako” (65-0120), par. 16-18
- [8] “Icishibilo” (63-0901M), par. 316
- [9] “No Kucishiba Tacishiba” (65-0815), par. 181-183
- [10] “Ica Kusushilako Umuntu Utontonkanya” (65-0822E), par. 122, 126
- [11] “Bushe Lesa Alitala Ukupilibula Amano Yakwe Pa Cebo Cakwe” (65-0418E), par. 5-6
- [12] “Incende Iyasalwa Na Lesa Iya ku Pepelamo” (65-0220), par. 91-92
- [13] “Ukupelelwa” (63-0901E), par. 18
- [14] “Icishibilo” (63-1128E), par. 89-93, 61-63

- [15] “Ukulanshanya ukwa Kumbali” (64-0705X), par. E-3-4
- [16] “Icikakatikilo ca Citatu” (63-0320), par. 34
- [17] “Amepusho na Masuko” (64-0823E), par. 95